



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

Vt hora completorij dominum sepeliat. 48

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

LIBER II.

quam alijs omnibus ea quibus indigent, obtine-
re, hauriēs ea hic copiosius ex amarissima passi-
one eius, sibi omnino appropriata atq; donata:
dummodo se funditus domino resignās, seipsum
cū acerbissima passiōe eius in diuinam abyssum
ipsum immergat. Tunc etenim nihil ei dene-
gare poterit, nec continere sese, quin eum & o-
mnes sui imitatores cœlesti benedictione perfun-
dat.

Qualiter hora vesperarum cōscientiam sua
am mundare debeat.

Vesperarum deinde tempore, anima deuota
conscientiam suam mūdēt atq; purificet,
& studiose oēs virtutū species colligat, ex-
pandensq; sinum desideriorum suorū, recipiat in
eū militem illum vulneribus vndique lacerum,
pro sui amore in cruce defunctum, cōsideransq;
diligentius omnē ad ipsum sui dissimilitudinem
osculetur & vngat preciosa vulnera eius, cum
languore & ardore spiritus, dolorosa anima &
corde contrito: quem etiam fortius ad pectus su-
um astringens, brachijs amoris amplexetur.

Qualiter hora completorij vngere & sepe-
lire eum debeat. Cap. XLVIII.

Deniq; cōpletorij hora dulcissimam mise-
ricordiæ matrē deprecetur, quatenus ei fi-
lium suū dilectū sepelire permittat: quem
tunc oībus virtutū aromatibus condire, & vn-
gere satagat: mirrha videlicet pfectę mortificati-
onis suūpsus, aloe diuinę cōfessōis, et balsamo
diuinitatis (q̄ ipse semetipm plustravit atq; trās-
radiauit) inuoluitq; eū syndone purę cōscientiæ
Vij lux in

MARGARITAE EVANG.

suæ in eius amarissima passione mundatæ; & cū
 profundissima humilitate sepelit eum in monu-
 mento cordis sui, cōcludens illud arcta sensuum
 suorum custodia: seque vicissim in ipso sepelientem
 atque includens, simul cum ipso in adoranda
 Trinitatis cubiculum demittitur, & in diuina
 substantiæ abyssō sepelitur. Ibidem quoque in no-
 uam gratiæ vitā resuscitatur: ipseque dominus in
 ea, & per eam resurgens, veste decoris induit e-
 am, confirmatque eam, & facit immobiliter in i-
 pso supra omnia creata habitare, & in suo taber-
 naculo requiescere, & ibidem iugiter contueri,
 qualiter sponsus eius aliquando matutinali tem-
 pore natus, captus et a morte resurgens, nunc ve-
 num est cum patre in gloria, estque lucerna, per
 quam diuinitas relucet, quæ omnem cœlestem
 exercitum illuminat. Et qui olim hora prima in
 præsepi circa iumenta fuit reclinatus, de vno tu
 dice ad alium deductus, & amicis suis apparuit,
 modo omnem cœlestem curiam ad seaturientem
 diuinitatis venam deducit, & torrente volupta-
 tis suæ potat. Quique olim hora tertia circumci-
 sus, flagellatus, coronatus & condemnatus fuit,
 nunc gloria & honore coronat, sedetque ad dexte-
 ram patris sui, vbi etiam ab omnibus cœli ter-
 ræque habitatoribus adoratur. Et qui aliquan-
 do hora sexta patri suo oblatus a matre, & in
 cruce suspensus fuit: illi nunc omnis potestas
 data est in cœlo & in terra. Quique olim hora
 nona in Iordane baptizatus, & ignominiosa
 morte in crucis ligno defunctus fuit, modo
 lignum vitæ existit: de cuius virore omnes e-
 lecti lætantur, fructuque pascuntur, & sub eius
 vmbra requiescunt ac delectantur. Cuius item
 ali

LIBER II.

aliquando matri tempore vespere hospitium denegatum, & ipse eidem mortuus in sinum illius fuit redditus & collocatus: quique duos illos discipulos suos post mortem instruxit, iam amplius non morietur in sempiternum, sed omnes beatæ animæ vitam æternam per ipsum consequuntur. Qui denique hora completoriæ cœnam ultimam seruauit, & in monumento sepultus fuit, & discipulis suis ianuis clausis apparuit, iam est manna illud absconditum, quo soli electi reficiuntur. Hic itaque ad cœnam suam, in qua simul cum omnibus sanctis & angelis conuiuatur, animam inuitans, seipsum ei in cibum & potum ad perpetue fruendum apponit. Etenim in his cor eius ineffabiliter dilatatum est ad absorbendum in illud omnes beatos spiritus, eosque in sese transformandum, efficiendum que ut sint illi per gratiam, quod est ipse per naturam. Hoc itaque modo amans anima in Deo commoratur, et Deus in ea: estque viuus palmes in Deo plantatus, fructum multum afferens in tempore suo. Denique, ad cœnam quisque accessurus hoc pacto se intus occupabit, ut videlicet intret in intimum animæ suæ cœnaculum, in quo ipse dominus Iesus cœnam suam seruare desiderat: ibique super pectus illius recumbens, audiat dulcia verba ipsius, & quantis nos diuitijs ipse dotarit.

Qualiter in oratione ire, & diuina nos voluntati resignare debeamus.

POST cœnam vero deuotionem suam ad id habere debet, quod Christus in cœna dicebat: Surgite, eamus hinc. Et in itinere: Tristis est

V ij

Tris est

MARGARITAE EVANG.

ris est anima mea vsq; ad mortem: cuius etiam
tristitia causam diligenter pensabit, eaq; simul
cum ipso ad montē Oliueti, & ibidem in loco
prius occurrente genua flectens, Deum in spiri-
tu adoret, & cū perfecta resignatione in potissi-
mū Dei beneplacitum sese offerat ac resignet, &
seipsum intus & exterius diligētissime obseruet
& quodocunq; intus vel foris in aliquo se deli-
quisse aduerterit, absque mora per acerbissimā
Christi passionem veniam ac indulgentiam po-
stulet: idq; potissimum tempore vespertino.

Qualiter de sero conscientiam su-
am examinare, & veni-
am petere debeat.

Cap. XLIX.

Porro, de sero anima deuota sese introuen-
re debet, & omnia interiora sua discuti-
endo aduertere, qualiter admonitiōes diuinas,
& instinctum spiritus sancti secuta fuerit, siue e-
isdem restiterit: an etiam lumen siue reprehensi-
ones conscientiaē extinxerit vel eis aduersata fue-
rit: an etiam aliquo membro recesserit a viuo
speculo veritatis: & an exterius etiā aliquid sta-
tutum, siue ordinationem transgressa sit: vtrum
etiam aliquem verbis vel operibus laeserit siue
impedierit: an per detractionem alicuius famam
minuerit, aut aliquem in re qualibet despexerit:
vtrum etiam aliqua in re delectationes carnis,
concupiscentias oculorum aut superbiam vitæ
occulte, quasi sub specie boni, secuta sit, siue in
verbis, siue in operibus, in eūdo vel stando, co-
medendo siue bibendo: vtrum in omnibus ope-
ribus vel dimissionibus suis, Deum pure quæsi-
erit.